



FRIEDRICH NAUMANN
FOUNDATION For Freedom.
Human Rights Hub

საბა ქეზნიშვილის ისტორია

ფინანსისტ საბა ქეზნიშვილს ბრალად ედება კოლიციის კანონიერი მოთხოვნის მიმართ დაუმორჩილებლობა. ის 2024 წლის პირველ დეკემბერს, 06:22 საათზე დააკავეს.

საბა რუსთაველის გამზირზე პროევროპულ აქციაზე იმყოფებოდა. სპეციალური რაზმის მიერ აქციის თვითნებური დაშლის შედეგ, პროტესტის მონაწილეებმა ხელოვნური ბარიკადი ააგეს. გარკვეულ მომენტში, ქეზნიშვილი აქციის მონაწილეთა ჯგუფს გამოეყო და იმის საჩვენებლად, რომ აქცია მშვიდობიანი იყო, საქართველოსა და ევროკავშირის დროშებით სპეცრაზმისკენ დაიძრა. ამ დროს, სპეცრაზმს უკვე დიდი რაოდენობით ცრემლსადენი გაზი ჰქონდა გამოყენებული. სპეცრაზმსა და აქციის მონაწილეებს შორის დაახლოებით 150-200 მეტრი მანძილი იყო.

მედიაში გავრცელებულ ვიდეომასალებში ნათლად ჩანს, რომ საბა ქეზნიშვილს სპეცრაზმის კორდონის მიმართულებით გადაადგილებისას ერთ-ერთი ნიღბიანი გამოელაპარაკა. მან ახალგაზრდა ფინანსისტს ჰკითხა, თუ რატომ იყო აქციაზე და რას აპროტესტებდა. საკასუხოდ, ქეზნიშვილმა მობილური ტელეფონი ამოიღო და სპეცრაზმის მიერ სასტიკად ნაცემი ზვინად მაისაშვილის ვიდეო აჩვენა. იქვე დასძინა, რომ ერთ აზრამდე ვერასდროს მივიდოდნენ, რაზეც სპეცრაზმის თანამშრომელი განსაკუთრებით გაღიზიანდა და მოქალაქის თვითნებური დაკავება გადაწყვიტა.

საბა ქეზნიშვილი ქაშუეთის ეკლესიის მიმდებარედ მდგომ მიკროკვანძობაში გადაიყვანეს, სადაც მას სპეცრაზმის რამდენიმე თანამშრომელი სახის, კეფისა და მთელი ტანის არეში განსაკუთრებული სისასტიკით მუშობას და წიხლებს ურთყამდა. ფიზიკურის გარდა, მას სიტყვიერ შეურაცხყოფასაც აყენებდნენ, აგინებდნენ და ეკითხებოდნენ, კიდეც დაბრუნდებოდა თუ არა აქციაზე. ცემის დაწყებამდე საბას წაართვეს კუთვნილი მობილური ტელეფონი და სხვა პირადი ნივთები, რომლებიც მისთვის დღემდე არავის დაუბრუნებია.

ქვენიშვილი იმავე მიკროავტობუსით გადაიყვანეს რესპუბლიკის მოედანზე, სადაც დაკავების გაფორმების მიზნით გადასცეს პოლიციას. ამ დროისთვის, მას აღენიშნებოდა ცხვირისა და ყბის, ასევე თვალებუდის მოთხილობა. გარდა ამისა, ჰქონდა ტვინის შერყევა.

საბას ოფიციალურ დამკავებლებად გაფორმდნენ ის პოლიციელები, რომლებმაც ნაცემი ახალგაზრდა სპეცრაზმელებისგან გადაიბარეს. ოქმების შედგენის მიზნით, ქვენიშვილი თბილისის ცენტრალური პოლიციის სამმართველოში გადაიყვანეს, მაგრამ ჯანმრთელობის მძიმე მდგომარეობიდან გამომდინარე, სასწრაფოს გამოძახება და ინვოროყვას სახელობის კლინიკაში გადაყვანა გახდა აუცილებელი. სამედიცინო დახმარების გაწევის შემდეგ, ქვენიშვილი კლინიკაში მოათავსეს.



მოსამართლე მანუჩარ ცაცუაშვილმა დაკავებულის საქმე 2024 წლის 23 დეკემბერს განიხილა. როგორც აღვნიშნეთ, ახალგაზრდას ბრალი პოლიციელის კანონიერი მოთხოვნისადმი დაუმორჩილებლობაში (დაეთმობინა აქციის ტერიტორია) ედებაოდა. საბა ქვენიშვილის საქმეზე ჩვენება მისცა ორმა პოლიციელმა, რომელთაგანაც მისი რეალური დამკავებელი არცერთი იყო. მეტიც, ისინი საბას დაკავების ფაქტის შემსწრეების კი არ ყოფილან.

დაცვის მხარემ წარმოადგინა ნეიტრალური ვიდეომტკიცებულება, სადაც ნათლად ჩანდა, რომ ქვენიშვილი ნიღბიანება თვითნებურად დააკავეს. მიუხედავად ამისა, მოსამართლე ცაცუაშვილმა მშვიდობიანი აქციის მონაწილე სამართალდამრღვევად სცნო. საბა ადმინისტრაციული პასუხისმგებლობისგან გათავისუფლდა - მხოლოდ სიტყვიერი შენიშვნა მიიღო.

2024 წლის 17 დეკემბერს, საბა ქვენიშვილი გამოიკითხა სპეციალურ საგამოძიებო სამსახურში. არსებული ინფორმაციით, სპეცრაზმელების ქმედება უფლებამოსილების გადაშეცდომასთან ერთად შესაძლოა შეფასდეს როგორც ნაგებია ან/და დამამცირებელი ან არაადამიანური მოპყრობა. საგამოძიებო სამსახურის მიერ, ქვენიშვილს მიენიჭა დაზარალებულის სტატუსი.

სამწუხაროდ, სპეციალური საგამოძიებო სამსახურის მიერ ამ დრომდე არ მომხდარა იმ ნიღბიანთა ვინაობის დადგენა, ვინც უშუალოდ მონაწილეობდა ქვენიშვილის დაკავებასა და ნაგებაში. ასევე, დაკავების ოქმში არ დაფიქსირებულა საბას მობილური ტელეფონი და სხვა პირადი ნივთები, რომლებიც დაზარალებულს დღემდე არ დაბრუნებია.